

## CLASSIS XIX.

## SYNGENESIA.

## POLYGAMIA ÆQUALIS.

## ECHINOPS.

40. **ECHINOPS** *strigosus*, calycibus capitatis: lateralibus minoribus: squamis ciliatis, corollæ laciniis linearibus laxis.

*Carduus tomentosus*, capitulo minore. *Bauh. pin.* 82.

*Echinopus tenuifolius violaceus*. *Tournef. inst.* 463. *Juss. Barr.* 1028.

*Carduus sphaerocephalus tenuifolius violaceus*. *Barr. ic.* 144.

*Habitat* in collibus apricis cis saltum vulgo foto Luzon Madriti cum *Atractylide humili*.

*Radix* simplex, descendens, filiformis, annua ni fallor.

*Caulis* erectus, simplex, rarius bini ex radice, erecti, digitales usque pedales, tomento adpresso tenui tenaci involuti.

*Folia radicalia* pinnata: pinnis oppositis, dentato-spinosis.

*Caulina inferiora* & media pinnatifida: laciniis lanceolatis, integris, apice acuto-spinosis; supra pilis rigidis depressis, subtus ex toto tomentosa.

*Caulina summa* lanceolata dentata, dentibus spinulis acutis armatis.

*Flores* in capitulum subrotundum, laxiusculum, solitarium, terminale congesti.

*Receptaculo* globoso, nudo, hinc inde pilis referto; *floribus lateralibus* seu inferioribus minoribus, sterilibus.

**CAL.** *communis* omnium calycum nullus, nisi pili reflexi ad caulis summum.

*Proprius* quinquefariam imbricatus, quinquangularis: squamis subulatis, basi latioribus: infimis ovato-lance-